



Broj: 06-22-2006/25
Mostar, 06. 10. 2025. godine

Na osnovu člana 55. Zakona o organizaciji uprave u Hercegovačko-neretvanskom kantonu („Službene novine HNK” broj: 9/09) i člana 37. Zakona o lovstvu („Službene novine Federacije BiH”, br: 4/06, 8/10 i 81/14), Ministar poljoprivrede, šumarstva i vodoprivrede Hercegovačko – neretvanskog kantona donosi

O D L U K U
o pokretanju postupka za dodjelu privredno-sportskih lovišta u zakup
na području Hercegovačko-neretvanskog kantona

Član 1.

Ovom Odlukom se utvrđuje pristupanje provođenju procedure dodjele u zakup privredno-sportskih lovišta na području Hercegovačko-neretvanskog kantona na način i kroz postupak kako je to definisano odredbama Zakona o lovstvu („Službene novine Federacije BiH”, broj: 4/06, 8/10 i 81/14), podzakonskim propisima kao i Odlukom o osnivanju lovišta u Hercegovačko-neretvanskom kantonu („Službene novine HNK”, broj: 11/13).

Član 2.

- (1) Predmet zakupa su slijedeća privredno-sportska lovišta:
- a) Lovište “Prenj-Velež”, grad Mostar, površine 54.120,60 ha.
 - b) Lovište “Konjic”, grad Konjic, površine 69.040,00 ha.
- (2) Granice lovišta iz stava (1) ovog člana, površine lovišta, tip lovišta, namjena lovišta, osnovne vrste divljači, ostale vrste divljači i zaštićene vrste divljači definisane su Odlukom o osnivanju lovišta u Hercegovačko-neretvanskom kantonu („Službene novine HNK”, broj: 11/13).

Član 3.

Lovišta iz člana 2. stav (1) ove Odluke daju se u zakup na razdoblje od 10 (deset) lovni godina.

Član 4.

- (1) Lovišta iz člana 2. ove Odluke daju se u zakup putem javnog poziva kojeg raspisuje Ministarstvo poljoprivrede, šumarstva i vodoprivrede Hercegovačko-neretvanskog kantona (u daljnjem tekstu: Ministarstvo).
- (2) Pravo sudjelovanja na javnom pozivu iz stava (1) ovog člana, u skladu s članom 37. stav 2. Zakona o lovstvu imaju lovačka udruženja.
- (3) Postupak po Javnom pozivu provest će se u skladu s članom 37. Zakona o lovstvu („Službene novine Federacije BiH”, broj: 4/06, 8/10 i 81/14) i Pravilnikom o uslovima, kriterijima, postupku i načinu vrednovanja ponuda za dodjelu privredno-sportskih lovišta u zakup („Službene novine HNK”, broj: 3/20).

(4) Posebnim Rješenjem Ministar će imenovati Komisiju za dodjelu lovišta u zakup.

Član 5.

- (1) Učesnici na javnom pozivu dužni su ispuniti uslove propisane Pravilnikom iz člana 4. stav (3) ove Odluke.
- (2) Korisnik kojem je dato lovište u zakup ne može to lovište ili njegove dijelove davati u podzakup ili ustupiti drugom korisniku (fizičkim i pravnim licima).

Član 6.

- (1) Godišnja zakupnina za korištenje lovišta je najpovoljnija cijena koja se postigne na javnom pozivu i ne može biti manja od 10% planiranog godišnjeg prihoda od odstrjela divljači iz važeće lovno-privredne osnove ili privremenog godišnjeg plana gospodarenja divljači.
- (2) Zakupnina se uplaćuje u korist Budžeta HNK u iznosu od 60%, u korist Budžeta Federacije BiH u iznosu od 20% i Budžeta grada na čijem području se ostvaruje prihod u iznosu od 20% najkasnije do 31. januara za tekuću lovnu godinu.
- (3) Prikupljena sredstva iz stava 2. ovog člana koriste se za unapređenje lovstva, kao i druge obaveze propisane Zakonom o lovstvu.

Član 7.

Ova Odluka stupa na snagu danom donošenja.

